



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

Appendix von dem Saffran.

**urn:nbn:de:hbz:466:1-43769**

## Experiment von xx.

Anderer Tugendt mehr/ mag ein jeder wer lust hat/  
aus auffgesetzten stücken suchen/ vnd practicieren/ ich  
will also mit dem edelen Wacholder inn dem Namen  
des Allmächtigen Gottes diese zwentzig Pestilenz wur-  
zel vnd Kreutter beschloffen/ Den Leser vnd mich  
dem Allmächtigen Gott befohlen haben.

## Appendix von dem Saffran.

**E**smöcht einer sagen / Ey lieber Schreiber/ es  
seind noch vil mehr andere höhere vnd edlere  
stück/ für Gift vnd Pestilenz dienstlich/ die  
man auch Simplicia nennet/ als Saffran/ Zit-  
wen / Kroneuglen/



vnd dergleichen/ wel-  
che du nicht berührt  
hast. Darauff ant-  
worte ich/ daß ich als  
lein inn diesem Buche  
lein mein fürnehmen  
dahin gerichtet ha-  
be/ von unsern Sim-  
plicibus/ so bey vns  
inn Teutschertion  
gefunden werden/ ge-  
mein vnd genugsam  
bekandt / Kreutter  
vnd Wurzel / dem  
Armen notdürfftigen  
zu gut vnd from-  
men/ welche allezeit  
die Apostemen vnd  
Composita/ auch die  
thewren Wurzkram  
nicht

197

## Pestilens Wurzlen.

ccxj

nicht erreichen vnnnd bezahlen können/ wiewol der edle Saffran inn Teutscher Nation allenthalben wächst/ vnnnd bekandt ist/ vnnnd ist auch einmal war/ das der Saffran sehr köstlich hoch bewäret/ vnd gut ist/ nicht allein dienstlich in die Kuchen zu der Speiß/ sondern wirdt auch offft vnnnd vil in der Arzney gebraucht/ für Gift vnnnd andere Gebrechen/ dieweil er aber etwas thewer am Gelt ist/ vnnnd fürnehmlich in die Apotecar vnnnd Wurzkräm gehört/ So hab ich desselbigen vershonet/ vnnnd nicht in die zahl der zwengig wild freuter vnnnd Wurzeln setzen mögen/ Derhalben etnen kleinen Appendix darvon zuschreiben/ mit der Kürz anzuhängen/ fürgenommen/ wie folget.

Das teutsche wörtlein Saffran/ schicket sich eben recht zu dem Arabischen/ Dann also sager Serapio/ cap. 175. Saffran ist Latine Crocus/ eygentlich mögen wir Teutschen vns wol der Wurz als andere Nationes berühmen/ haben die Länder inn dem Meer als Zailon/ Meluzaden/ Zimmet/ Muscaten/ Nagelein vnnnd Mastix/ so haben wir dargegen Entian/ Wachholder/ Saffran/ Angelica/ Wermuth/ vnnnd dergleichen viel mehr/ die sie auch nicht haben/ oder gar wenig/ desgleichen mancherhand Samen/ Wurzel vnd Frucht/ der sie mangel leiden/ vnnnd haben bey vns eben so wol ihre Würckung vnnnd krafft/ als die frembden Species/ so auch jehnsent Calecuten wachsen. Es seind aber vnserer Kräutter vnd Frucht/ vnserer Natur vnnnd Qualitet vil näher vnnnd geheimer/ als dienstlicher/ denn jehne Transmarina vnd vnbekandte/ Solches geb ich einem jeden/ verständigen zu vertheilen/ die erfahrung lehret vns solches täglich bedarff keines grossen gezeugnuß/ 2c. Die art vnd gestalt des Saffrans/ Kraut wurzel vnd blume/ ist vns Teutschen genugsam bekandt/ wächst an vilen orten in vnsern Landen. In Osterreich vmb Wien/ soll der aller beste wachsen/ wirdt vber den Orientischen geloe

## Experiment von xx.

bet/ vorzeiten aber ist dem Sicilianer der Rhum/ gegeben/ vnd ist also mancherley Saffran nach den Landen genandt worden/ wie folget.

Coriceus auß Lycia.

Lycius/ vom Berge Glympto.

Tyrenaticus von Cyrene.

Crocus Centuripinus/ auß Sicilia.

Saracenicus/ das ist Cnicus/ vnd

Charthamus/ ist bey vns der wilde.

Germanicus/ ist vnser guter Saffran.

In Dioscoride lib. 1. cap. 25. da heist Crocus/ Sanguis Herculis. Die Poeten haben auch ein kurtz weil mit diser Blumen/ vnd sagen/ der Saffran sey weiland ein junger Gesell gewesen/ vnd vmb einer Jungfrauen willen Smilax genandt/ zu einer Blumen worden.

Solches alles gibt oder nimpt hieher nichts/ Saffran heist vberal zu Latem Crocus/ vnd das Teutsch dem Arabischen gleich/ wie obgesagt.

Item/ So der edel vnd wolriechende Saffran nit so vbel gedrenckt vnd gefalscht wurd/ durch die Sonnenkrämer/ oder andere/ welches sie beschinderey heissen/ vnd ist auch war/ sie treiben grosse betriegerey durch die Würge/ Gott bessere es/ so ist er eygentlich ein kräftige hertz stärckung/ dienstlich zu aller schwachheit des Hertzens/ reiniget das Geblüt/ vnd macht frölich Gemüt/ vertreibt vnd jaget die Gifft von dem Hertzten gewaltig/ In dem fall hab ich ihn in meiner Practick gerne vnd oft gebraucht/ in pestilenzischen Febern/ in vnd nach dem Curatio/ biß an den sibenden tag. Saffran vnd bereite Perlin/ mit Tyriack vermischer/ alle morgens oder abends den Krancken zu drincken gegeben/ vnd hat mir viel guts gethan/ solcher Gifft wehret vnd widerstrebet dem Hertzten/ bewahret seine Krafft/ mit Sawrampffer oder Chensenzungen wasser genützt/ vnd ist dasselbige ein gut  
gewiß

gewiß Experiment / so es der wille Gottes ist.

Daher kompt das Electuarium de Ovo welches dz meiste theil Saffran ist / in einer hollen Eyerschale len gebraten darzu nimpt man Tyrtack / Tormentill / Diptam / Zitwen / ꝛc. Dasselbige Electuarium hat etwan vil gutes gethan / daher es in e n groß geschrey kommen. Wir befinden aber vnd erfahren / das sich die Febres pestilentialis seither der Swetz suare ganz sehr verändert / geschärpffet vnd gemehret haben / welches wir beydes an Simlischen vñ Irzlichen Cörpern erfahren / vñnd öffentlich befunden / solches ist sonderlich den Astrologis vñ Medicis wol bekandt / vñnd müssen dennoch täglich den alten Medicamentis abbrechen vñnd zulegen / nach der zeit vñnd jhrer inclination / schärpffet oder schwächer machen / durch die Simplicia / ꝛc. Dioscorides vñnd Plinius sagen / der Saffran sey nutz vñnd dienstlich dem blöden schwachen Magen / auch der Brust / Lebern vñnd Lungen / oder Blasen vñnd den Nieren in der Speise genützt Sezen darbey ein wahrnung / So jemandts auff ein mal zwey oder drey quintlein Saffrans zu sich neme oder nütze / solt ihm tödliche gefahr bringen / ist wol zu glauben :

*Quia omne nimium vertitur in vitium.*

Item / wir haben erfahren von dem pflaster Ory croceum genant in der Wundartzney / da der Saffran Basis inne ist / vñnd das fürnehmste / dienet vñnd hilfft gewißlich für hart Geschwulst / weicher vñnd bringet wider auff / die verlampten Sennen vñnd Adern / so es wann verwundet / vñnd nach der heylung wöllen Lam bleiben / zu solchen ist diß pflaster ein thewre Artzney / Man findet dasselbige pflaster in den Apotecken alle zeit bereit / wie die guten Balbierer wol wissen. Die Maler haben auch den Saffran lieb / gibt ihnen ein gute gelbe Farbe. Hiemit willich diesen Appendicem

VON

Experiment von xx.  
von dem edlen Saffran kurg beschloffen haben. Latius  
quærat alter.

Ein Versificator, Baptista Fiera  
genandt/ sagt also.

*Fama vetus taceat, cedant pulmenta Lucullis;  
Cœna coronata est plenior ista Croco:  
Hic Cilices redolens, ignita cacumina florum,  
Rubra ferunt, cordi gaudia summa tuo.  
Si mala sunt capiti, segnes ducentia somnos,  
Illa petit stomachus, tristeq; pectus amat.  
Si bibit ista vorax, poterit torpore palatum.  
Iejuna hæc verita est sedula causa famis.  
At ventrem oblectant: vulvam referantq; tumentem,  
Hæc ede, si risus expetis assiduus.*



Wann